


s obf uanas  
 facit mōchū  
 tales q̄ p̄co  
 tēredi n̄ vent  
 te hūm mōcha  
 in ordie p̄fice  
 erōs s̄ cēst  
 a. q̄re votū.  
 emis. q̄re ad  
 cēpeditio u  
 p̄ma a. fa. q̄ s̄  
 edumio p̄dūos  
 q. v. De ipe  
 spūl. a. legatus  
 De dispu cultu  
 i. p̄ditio uolē  
 olēa. De pu  
 r. honestas.  
 u.  
 i. q̄re. Inpedit  
 hūi mpul. v. ad  
 or. q̄ re. votū.  
 i. mpul. q̄e m̄.  
 p̄ay. t̄bi modis  
 s̄ de emie. udel  
 nacōm. n̄ d̄sio.  
 d̄hibūda ē caute  
 p̄cedat lima p̄e  
 or obliget se ad  
 d̄mūnacō. cura  
 s̄io. s̄ amosa m  
 iacē agit ad deg

dūm q̄ ut ab eō p̄sollem  
 i. s̄gnū d̄lectū r̄ten cō. i. d̄  
 cufator d̄ se obligat a. m̄  
 In r̄mūnacō agit ad p̄mā  
 n̄sioē ad r̄mōs. ab adm̄  
**E**st i. q̄re mod̄ cō p̄o  
 cū de alie emie ag. attē n̄  
 s̄ cū n̄ d̄recte ad p̄nā i. d̄  
 p̄p̄t cū alie s̄ ad r̄fā. p̄  
 repulsiōe q̄ fit cū ob̄ i. mod̄  
 ex t̄p̄ n̄s a. c̄atō. n̄ r̄tū ut  
 ab a. c̄atōe ul. r̄stūcātē rep̄ll  
**E**t cū ob̄ elō n̄. p̄mōat of  
 f̄iū ul. b̄n̄ f̄iū ex d̄m̄. a. t̄ h̄  
 cū d̄stingūt. ut a. i. f̄iū d̄  
 op̄p̄t. ul. i. t̄p̄ i. d̄f̄cā. n̄ p̄o  
 q̄ s̄cō. In p̄ cū n̄ est i. s̄p̄c̄  
 n̄cā. s̄ p̄ of̄mā cō. q̄ r̄c̄  
 s̄b̄. obligat ad p̄nā. q̄  
 nā. s̄ arbitū d̄stūcū iudis. q̄  
 f̄cāt i. p̄b̄dō cū q̄ n̄ i. t̄p̄  
 n̄s. cō q̄ emie s̄ p̄p̄t p̄o  
 q̄ p̄lādm̄ a. q̄re. a. s̄ f̄iū  
 quif̄. Si ob̄ h̄ p̄ n̄ q̄ h̄m̄  
 amiat. **P**er̄. ex d̄b̄iā  
 ex p̄t. s̄lo. ut ē am̄sio p̄h̄  
 d̄. ul. alā b̄n̄tū. u. m̄  
**V**ando at r̄ad̄ q̄ q̄. m̄  
 ad i. q̄ s̄io. s̄ p̄cedū. v  
 s̄ p̄ay. p̄m̄. q̄ i. s̄io coll  
 euidēt. ex auct̄ib̄. n̄o. m̄  
 r̄stūcātē. ex q̄. n̄a. p̄m̄. m̄



714

# Copen vund Abtruck

der Rō. Kön. May. Freihert / den

erfindern der Holzerfurnungskunst / auff

einem Jungst gehaltenem Reichstag zu Regen-

spurg / dis lauffenden Lxij.

Jars gegen

best.



V. Engelshofen.

712



Colour Chart #13

Inches 1 2 3 4 5 6 7 8 9 10 11 12 13 14 15 16 17 18 19  
Centimetres

Blue	Cyan	Green	Yellow	Red	Magenta	White	3/Color	Black
------	------	-------	--------	-----	---------	-------	---------	-------

Kurtze Vored an den gemeyn-  
nen Leser.

**L**S ist meniglich vnuerborgen / Wz  
mangels / vnd abgang an notturfft Holz sich  
vast in alle Landen / Aber fürnemlich Im Heyligē  
Reich Teütscher Nation ye länger je beschwär-  
licher erzeyget / Daher dann etliche Liebhaber gemeines  
nuges nit vnzeitlich bewegt worden / zū befürderung des  
selben / mit allem fleiß nachgedenckens zū haben / wie In  
täglichen einhalten / Kochen / Brotbacken / vnd übung  
der Welschen Kamin / ein güter antheyl Holz bequām-  
lich erspart werden möchte / Vnd haben darauff / vermit-  
tels Göttlicher gnadē / nit mit geringer mühe / arbeyt / vñ  
schwärem vnkosten / ein gewisse Probierte Kunst erfundē /  
Wie solchs die Glaubwürdige vrkunden / vnd Proben / so  
in kurzem auch Publiciert werdē sollen / lauter bezeügen /  
vnd öffentlich zū erkennen geben werden. Damit nün die  
erfinder irer vilfaltigen mühe vnd kosten / miltiglich er-  
götzt / vnd andere heymliche abstäler berürter Kunst ( derē  
schon etlich vorhanden ) abgeschrockt werdē möchten / Da  
hat die Rō. Kön. May. vnser aller Gnädigster Herr / mit  
bewilligung gemeyner Stende / auff Jüngst gehaltenem  
Reichstag zu Regenspurg / ihnen den erfindern / nachfol-  
gende freihēyt gnädigst mitgetheilt / Welche sie darumb  
In offnen abtruck gegeben / Auff dz deren meniglich ein-  
wissens haben / vnd darwider nit zū handeln / bey einuer-  
leibter Peen verwarnt sein möchte.

714.

**W**ir Ferdinand / von Gottes  
Gnade / Römischer König zu allen zeit  
ten Herrscher des Reichs / In Germanien  
zu Hungern / Behem / Dalmatië / Croa-  
tien / vñ Sclauonien König / In sandt  
in Hispanien / Erzherzog zu Osterreich / Herzog zu  
Burgundi / Steyr / Kärndten / Crain / vnd Württen  
berg / ic. Graffe zu Tirol / ic. Bekennen öffentlich vnd  
thun kundt aller meniglich mit diesem brieffe. Wie-  
wol wir auß Königlicher würdigkeyt / darein vns  
der Allmechtig Gott gnädiglich gesetzt hat / vnd dar  
zu wir durch schickung seines Göttlichen willens kom  
men sein / Auch auß angebomer gütte / vnd miltigkeyt /  
wol geneygt sein / aller vnd yeglicher Unserer / vnd  
des Heyligen Reichs Vnderthonen vnd getreüwen /  
Ehr / nutz / auffnehmen vnd bestes zü betrachten / zümeh  
ren vnd züfürdern. So ist doch Unser Königlich  
gemüt mehr begierlich vnd geneygt den ihenigen Per  
sonen / mit vnsern Königlichen Gnaden zü erscheinē /  
So durch verleihung des Allmechtigen / auß Sünrei  
chem verstandt / gemeinem nutzen zügütem / neüwe be  
warte / vnd menschlichem geschlecht ganz notwendi  
ge kunst erfunden. Nach dem vns dann / auff Jüngst  
gehaltenem Reichstag zu Augspurg / Anno fünff vnd  
A ij                      fünffzig

fünffzig / durch ein Supplication Vnderthänigklich  
fürbracht worden / Das Vnser vnd des Reichs lieber  
getrewer / Friderich Frömer / Burger zu Strasburg /  
samt etlichen seinen mituerwandte vermittels Gött-  
licher Gnaden / mit ohne sonderer mühe / arbeyt / vñ ko-  
sten / Ein neüwe bequämliche / gewisse kunst erfunden /  
Dardurch menigklich / in / vñ außserhalb des Hey-  
ligen Reichs Teütscher Nation / Reich oder Alm / in  
seiner täglichen / notwendigen Haushaltung / in ein-  
haizen der Stuben / vñ Kochen / ein merckliche anzal  
vnd vngesahlich das halb theyl Holz ersparen / vnd  
zugüt haben mag / Vnd vns yetzundt widerumb demü-  
tigklich züerkennen geben worden / das gleiche erspa-  
rung / auch mit den Bachöfen / vnd Welschen Kamin-  
nen / seithero erfunden seye / Mit beschließlicher Vn-  
derthänigster bitt ihnen den erfindern / Als obgemeld-  
tem Friderich Frömer / Conrad Zwicken zu Rhor se-  
ligen verlassnen Kindern vnd Erben / vnd Hans Vl-  
rich Kundigman / Burger zu Costanz / vnser Könige-  
liche Freiheyt / vñ gütthät gnädigklich mitzütheilen /  
auff das nit andere iren gewinn auß frembder arbeit /  
ihnen zü höchster beschwörung / vñ verderblichen  
schadē süchen. Diweyl dan menigklich wol bewüßt /  
auch offentlich am tag ist / was trefflicher augen-  
schein

714  
scheinlicher abgang vnnnd mangel / an notturfft holtz  
sich schier allenthalb ye länger ye mehr ereiget / vnd er-  
zeygt / Also / das solche Holtz sparing / billich für ein  
vast notwendige vñ nutzliche Gottes gaab zū halten.  
So haben wir hierauff zū befürderung des gemeynen  
nutzes auff vorgepflegnen Raht / vnd güt beduncken /  
der Churfürsten Rächte / erscheinende Fürsten / Stän-  
de / vnd der abwesenden Botschafften / so auff diesem  
Reichstag versamlet / mit wolbedachtem müt / zeitli-  
chem Raht / vnnnd rechtem wissen / den genanten erfür-  
dern / zū billicher ergötzlichkeit irer mühe vnnnd vnko-  
sten / auch zūuerhütung ires vnwiderbringlichen scha-  
dens / dise Freiheit gegeben vnnnd verlihen / Verlihen  
vnnnd geben inen solche auch hiemit / Auf Römischer  
Königlicher macht vollkōmenheit / vñ rechtem wis-  
sen / In krafft dis Brieffs / Also vnnnd der gestalt / Das  
obangerete kunst / vnnnd mittel der Holtz sparing nye  
mandts / was standts oder würde der ist / Geystlich  
noch Weltlich / ohn obbemeldter erfinder / deren Er-  
ben oder künfftigen Inhaber diser Freiheit außtrück-  
lichen Consens / zū laß / vnd bewilligung In zehen Ja-  
ren den nächsten nach Dato / gebrauchen / oder genieß-  
sen soll / noch mag / er habe dann von gegenwürtigen  
oder künfftigen Inhaber diser Freiheit bewilligung  
A iij erlangt /

erlangt / Vñ welcher sich mit jetztgedachte erfindern /  
oder iren Erben / auff ime leidenlichere / oder trágliche  
weg / dann wie hernach stehet gütlich nit verglichen /  
oder vertragen möchte / Das als dann der selb / So  
sich mitler weil vñnd innerhalb solcher zehen Jar / der  
angezeygten kunst Im einhalten / Kochen / Bachen /  
vñ Übung der welschen Kaminen gebrauchen will / de  
dritten theyl des Gelds / so er mit diser kunst einseynt-  
gen Jars an Holz ersparen mag / den erfindern zue-  
göglichheyt zübezalen schuldig sein solle. Vñnd ge-  
bieten hierauff allen vñnd yeglichen / Churfürsten /  
Fürsten / Geistlichen vñnd Weltlichen / Prelaten / Graf-  
fen / Freyen Herrn / Rittern / Knechten / Hauptleuten /  
Landtuogten / Vizthumben / Vögten / Pflegern / Ver-  
wesern / Amptleuten / Schultheysen / Burgermey-  
stern / Richtern / Rächten / Burgern vñnd Gemeynen /  
auch sonst allen andern / vnsern vñnd des Heyligen  
Reichs Vnderthonen vñnd getreüwen / in was Wür-  
den / Standt oder wesen die seyen Ernstlich vñnd ve-  
stiglich mit disem Brieffe / vñnd wollen das sie obge-  
dachte erfinder / ihre Erben vñnd Inhaber dis brieffs /  
an diser vnser Königlichen Gnad / begaabung vñnd  
freiheit / mit nichten irze / hindern / oder einige eingriff  
thün / Sonder sich der selben / an allen vñnd yeden or-

714  
ten gerüwlich gebrauche / geniessen vñ gänglich dar  
bey bleiben lassen / vñnd hierwider nit thün / noch ye  
mandts andern zuthün gestatten / in keyn weis / Als  
lieb einem yeden seye vnser vñ des Reichs schwere vn  
gnad vñd straff / vñd darzū ein Peen / Nemlich zwen  
zig Marck Lötigs Golds zū vermeiden / die ein yeder  
so offt er fräuenlich hierwider thette / vñs halb in vn  
ser / vñnd des Reichs Kämmer / vñd den andern halben  
theyl / obgenänten verwandten / ien Erben vñd nach  
kommen vnablößlich zūbezalen / verfallen sein soll / vn  
verhindert aller vñd yeder Constitutionen / Ordnun  
gen / Präuilegien / Freiheyten vñd herkommen / So dis  
ser vnser Königlichē Concession vñd begnadigung  
zūwider sein / oder verstanden werden möchten. Wel  
chen wir allen vñd yeden hiemit wissentlich / auß Kö  
niglicher macht vollkōmnenheyt nit anders / als ob sie  
von wort zū wort hierinn begriffen / vñd außgetruckt  
weren / gänglich derogiert haben wollen. Mit vr  
kundt dis Brieffs besigelt mit vnserm Königlichē  
anhangenden Insigel / Der geben ist in vnser vñd des  
Reichs Statt Regenspurg / den dreyzehenden tag  
des Monats Martij / Nach Christi vnser lieben Her  
ren Geburt / Fünffzehenhundert vñnd im Siben vñd  
A iij Fünff



fünffzigsten / Unserer Reiche des Römischen / Im sie-  
ben vnd zwentzigsten / vnd der andern Im ein vnd  
dreissigsten Jaren.

Ferdinand.

Jonas D. Vice  
cangler. ic.

Ad Mandatum domini  
Regis proprium.

Kirchschlager ic.